

新刊王氏脉經

# 新刊王氏脈經卷第四

朝散大夫奉光祿卿直秘閣判登聞鼓院上護軍臣林億等類次

辨三部九候脈證第一

平雜病脈第二

診五藏六腑氣絕證候第三

診四時相反脈第四

診損至脈第五

診脈動止投數踈數死期年月第六

診百病死生決第七

診三部虛實決死生第八

辨三部九候脈證第一

經言所謂三部者寸關尺也九候者每部中有天地人也上部  
主候從臂以上至頭中部主候從膈以下至氣街下部主候從  
氣街以下至足浮沈牢結遲疾滑澹各自異名分理察之勿怠  
觀變所以別三部九候知病之所起審而明之針灸亦然也故  
先候脉寸中寸中一作中於九浮在皮膚沈細在裏昭昭天道可得長  
久上部之候牢結沈滑有積氣在膀胱微細而弱則引裏急頭  
痛欬嗽逆氣上下心膈上有熱者口乾渴燥病從寸口邪入上  
者名曰解脉來至狀如琴絃苦少腹痛女子經月不利孔竅生  
瘡男子病痔左右脇下有瘡上部不通者苦少腹痛腸鳴寸口  
中虛弱者傷氣氣不足大如桃李實苦痺也寸口直上者逆虛  
也如浮虛者油利也中部脉結者腹中積聚若在膀胱兩脅下  
有熱脉浮而大風從胃管入水脹乾瀝心下澹澹如有桃李核

胃中有寒時舌煩痛不食食即心痛胃脹支滿臍上積脅下有  
熱時寒熱淋露脉橫出上者胃氣在膀胱病即著右橫關入寸  
口中者膈中不通喉中咽難刺關元入少陰下部脉者其脉來  
至浮大者脾也與風集合時上頭痛引腰背小滑者厥也足下  
熱煩滿逆上搶心上至喉中狀如惡肉脾傷也病少腹下在膝  
諸骨節間寒清不可屈伸脉急如絃者筋急足牽結者四肢重  
從尺邪入陽明者寒熱也大風邪入少陰女子漏白下赤男子  
溺血陰萎不起引少腹痛

人有二百六十脉法三百六十日三部者寸關尺也尺脉爲陰  
陰脉常沈而逢寸關爲陽陽脉俱浮而連氣出爲動入爲息故  
陽脉六息七息十二投陰脉八息七息十五投此其常也二十  
八脉相逐上下二脉不來知疾所苦天勝治下土勝治上土勝

俱平治中央臍以上陽也法於天臍以下陰也法於地臍爲中  
關頭爲天足爲地有表無裏邪之所止得鬼病何謂表裏寸尺  
爲表關爲裏兩頭有脉關中絕不至也尺脉上不至關爲陰絕  
寸脉下不至關爲陽絕陰絕而陽微死不治三部脉或至或不  
至冷氣在胃中故令脉不通也上部有脉下部無脉其人當吐  
不吐者死上部無脉下部有脉雖困無所苦所以然者譬如人  
之有尺樹之有根雖枝葉枯槁根本將自生木有根本即自有  
氣故知不死也寸口脉平而死者何也然諸十二經脉者皆係  
於生氣之原所謂生氣之原者非謂十二經之根本也謂腎間  
動氣也此五藏六府之本十二經之根呼吸之門三焦之原一  
名守邪之神也故氣者人根本也根絕則莖枯矣寸口脉平而  
死者生氣獨絕於內也

臍間動氣謂左爲腎右爲命門命門者  
精神之所合原氣之所係也一名守邪

之神以命門之神固守和氣不得妄入入則死矣此岐伯曰形

有氣先絕於內其人便死其脈不復反得動病也

盛脈細少氣不足以息者死形瘦脈大胃中多氣者死形氣相

得者生參伍不調者病三部九候皆相失者死上下左右之脈

相應如參春者病甚上下左右相失不可數者死中部之候雖

獨調與衆藏相失者死中部之候相減者死目內陷者死黃帝

曰冬陰夏陽奈何岐伯曰九候之脈皆沈細懸絕者爲陰主冬

故以夜半死盛躁喘數者爲陽主夏故以日中死是故寒熱者

平旦死熱中及熱病者日中死病風者以日夕死病水者以夜

半死其脈乍數乍疎乍遲乍疾者以日乘四季死形肉以脫九

候雖調猶死七診雖見九候皆順者不死所言不死者風氣之

病及經月之病似七診之病而非也故言不死若有七診之病

其脈候亦敗者死矣必發臑臑必審問其所始病與今之所方

病而后各切循其脉視其經絡浮沈以上下逆順循之其脉疾者不病其脉遲者病脉不往來者死皮膚著者死

兩手脉結上部者濡結中部者緩結二里者豆起弱反在關濡反在顛微在其上濇反在下微即陽氣不足沾熱汗出濇即無血厥而且寒黃帝問曰余每欲視色持脉獨調其尺以言其病以外知內爲之奈何歧伯對曰審其尺之緩急小大滑澀肉之脆而病形變定矣調之何如對曰脉急者尺之皮膚亦急脉緩者尺之皮膚亦緩脉小者尺之皮膚減而少脉大者尺之皮膚亦大脉滑者尺之皮膚亦滑脉濇者尺之皮膚亦濇凡此六者有微有甚故善調尺者不待于寸善調脉者不待于色能參五行之可爲上工尺膚滑以淖澤者風也尺內弱解懈安卧脫肉者寒熱也尺膚濇者風痺也尺膚籠如枯魚之鱗者水淡飲

也尺膚熱甚脈盛躁者病溫也其脈盛而滑者汗且出尺膚寒  
甚脈小急一作者泄少氣尺膚烜然熱然甲乙作先熱後寒者寒  
熱也尺膚先寒久持之而熱者亦寒熱也尺烜然熱人迎大者  
實奪血尺緊人迎脈小甚則少氣色白有加者立死肘所獨熱  
者腰以上熱肘前獨熱者膺前熱肘後獨熱者脊背熱肘後麗  
以下三四寸腸中有蟲手所獨熱者腰以上熱臂中獨熱者腰  
腹熱掌中熱者腹中熱掌中寒者腹中寒魚上白肉有青血脉  
者胃中有寒

諸浮諸沈諸滑諸澀諸弦諸緊若在寸口膈以上病若在關  
上胃以下病若在尺中腎以下病

寸口脈滑而遲不沈不浮不長不短爲無病左右同法

寸口太過與不及寸口之脈中手短者曰頭痛中手長者曰



足脛痛中手促上擊者曰有背痛

寸口脈浮而盛者病在外

寸口脈沈而堅者病在中

寸口脈沈而弱者曰寒熱

一作氣又作中

及疝瘕少腹痛

寸口脈沈而弱髮必墮落

寸口脈沈而緊者心下有寒時痛有積聚

寸口脈沈而短氣

寸口脈沈而喘者寒熱

寸口脈但實者心勞

寸口脈緊或浮膈上有寒肺下有水氣

脈緊而長過寸口者注病

脈緊上寸口者中風風頭痛亦如之

千金翼云亦為傷寒頭痛

脈弦上寸口者宿食降者頭痛

脈來過寸入魚際者遺尿

脈出魚際逆氣喘息

寸口脈微滿如羹上肥陽氣微連連如蜘蛛絲陰氣衰

寸口脈偏絕則臂偏不遂其人兩手俱絕者不可治兩手前

部陽絕者苦心下寒毒喑中熱

關上脈浮而大風在胃中張口有息心下澹澹食欲嘔

關上脈微浮積熱在胃中嘔吐蛇蟲心健忘

關上脈滑而大小不勻千金云必止逆是為病方欲進不出一二日

復欲發動其人欲多飲飲即注利如利止者生不止者死

關上脈緊而滑者蛇動

關上脈澀而堅大而實按之不減有力為中焦實有伏結在

脾肺氣塞實熱在胃中

脾肺氣有力反令言者薄之  
脾大熱之盛實故言有力也

關上脉澹澹大而尺寸細者其人必心腹冷積癥瘕結聚欲  
復欲發動其人欲多飲飲即注利如利止者生不止熱飲食  
關上脉時來時去乍大乍小乍踈乍數者胃中寒熱羸劣不  
欲飲食如瘵狀

尺脉浮者客陽在下焦

尺脉細微溇泄下冷利

尺脉弱寸彊胃絡脉傷

尺脉虛小者足脛寒痿痺脚疼

尺脉澀下血不利多汗

素問又云尺澀  
脉滑謂之多汗

尺脉滑而疾為血虛

尺脉沈而滑者寸白蟲

尺脉細而急者筋攣痺不能行

尺脉蘢常熱者謂之熱中腰膝疼小便赤熱

尺脉偏滑疾面赤如醉外熱則病

平雜病脉第二

滑為實為下

又為陽氣衰

數為虛為熱浮為風為虛動為痛為驚

沈為水為實

又為胃氣衰

弱為虛為悸

遲則為寒濇則少血緩則為虛洪則為氣

一作熱

緊則為寒弦

數為瘧

瘧脉自弦弦數多熱弦遲多寒微則為虛代散則死

弦為痛痺

一作浮為風症

偏弦為飲雙弦則脅下拘急而痛其人清

濇惡寒

濇脉大寒熱在中

伏者霍亂

安卧脉盛謂之脫血

凡亡汗肺中寒飲冷水欬嗽下利胃中虛冷此等其脉並緊浮而大者風

浮大者中風頭重鼻塞

浮而緩皮膚不仁風寒入肌肉

滑而浮散者攤緩風

滑者鬼疰

澀而緊癰病

浮洪大長者風眩癰疾

大堅疾者癰病

弦而鈎脇下如刀刺狀如蠶戶至困不死

緊而急者道尸

洪大者傷寒熱病

浮洪大者傷寒秋夏春成病

浮而滑者宿食

浮滑而疾者食不消脾不磨

短疾而滑酒病

浮而細滑傷飲

遲而滑中寒有癥結

駛而緊積聚有擊痛

弦急疝瘕小腹痛又爲癰病

一作脾病

遲而滑者脹

盛而緊曰脹

弦小者寒痺

沈而弦者懸飲內痛

弦數有寒飲冬夏難治

緊而滑者吐逆

小弱而瀉胃反

遲而緩者有寒

微而緊者有寒

沈而遲腹藏有冷病

微弱者有寒少氣

實緊胃中有寒苦不能食時時利者難治

一作時時嘔  
結留難治

滑數心下結熱盛

滑疾胃中有熱

緩而滑曰熱中

沈

一作浮

而急病傷寒暴發虛熱

浮而絕者氣

辟大而滑中有短氣

浮短者其人肺傷諸氣微少不過一年死法當數也

沈而數中水冬不治自愈

短而數心痛心煩

弦而緊脇痛藏傷有瘀血

一作有寒血

沈而滑爲下重亦爲背脊痛

脉來細而滑按之能虛因急持直者僵仆從高墮下病在內

微浮秋吉冬成病

微數雖甚不成病不可勞



浮滑疾緊者以合自病久易愈

陽邪來見浮洪

陰邪來見沈細

水穀來見堅實

脈來乍大乍小乍長乍短者爲祟

脈來洪大嫺者社祟

脈來沈<sub>三</sub>澤<sub>二</sub>四支不仁而重土祟

脈與肌肉相得久持之至者可下之

弦小緊者可下之

脈口數寒熱俱發必下乃愈

弦遲者宜溫藥

胃數者可發其汗

診五藏六腑氣絕證候第三

病人肝絕八日死何以知之面青但欲伏眠目視而不見人

汗泣

一作

出如水不止

一日二日死

病人膽絕七日死何以知之眉爲之傾

病人筋絕九日死何以知之手足爪甲青呼罵不休

一日八日死

病人心絕一日死何以知之有息回視立死

一日目睛

病人腸小腸絕六日死何以知之髮直如乾麻不得屈伸白

汗不止

病人脾絕十二日死何以知之口冷足腫腹熱臙脹泄利不

覺出無時度

一日五日死

病人胃絕五日死何以知之脊痛脊中重不可反覆

一日九日死

病人肉絕六日死何以知之耳乾舌黃腫溺血大便赤

足腫九  
日死

病人肺絕三日死何以知之口張但氣出而不還

一日口鼻口虛張短氣

病人大腸絕不治何以知之泄利無度利絕則死

病人腎絕四日死何以知之齒為暴枯面為正黑目中黃色

胃中欲折白汗出如流水

一日人中平七日死

病人骨絕齒黃落十日死

諸浮脉無根者皆死已上五藏六腑為根也

### 診四時相反脉證第四

春三月木王肝脉治當先至心脉次之肺脉次之腎脉次之此  
為四時王相順脉也到六月土王脾脉當先至而反不至反得  
腎脉此為腎反脾也七十日死何謂腎反脾夏火王心脉當先  
至肺脉次之而反得腎脉此謂腎反脾期五月六月忌丙丁

脾反肝三十日死何爲脾反肝春肝脈當先至而反不至脾脈

先至是謂脾反肝期正月二月忌甲乙  
腎反肝三歲死何謂腎反肝春肝脈當先至而反不至腎脈先

至是謂腎反肝也期七月八月忌庚辛  
腎反心二歲死何謂腎反心夏心脈當先至而反不至腎脈先

至是謂腎反心也期六月忌戊己

臣億等按千金云此中不論肺金之氣疎畧未諭指南又

### 診損至脈第五

脈有損至何謂也然至之脈一呼再至曰平三至曰離經四至

曰奪精五至曰死六至曰命絕此至之脈也何謂損一呼一至

曰離經二呼一至曰奪精三呼一至曰死四呼一至曰命絕此

損之脈也至脈從下上損脈從上下也損脈之爲病奈何然一

損損於皮毛皮聚而毛落一損損於血脉血脉虛少不能榮於五藏六府也三損損於肌肉肌肉消瘦食飲不為肌膚四損於筋筋緩不能自收持五損二於骨二痿不能起於牀反此者至於收病也從上下者骨痿不能起於牀者死從下上者皮聚而毛落者死治損之法奈何然損其肺者益其氣損其心者益其榮衛損其脾者調其飲食適其寒溫損其肝者緩其中損其腎者益其精氣此治損之法也

脉有一呼再至一吸再至一呼三至一吸三至一呼四至一吸四至一呼五至一吸五至一呼六至一吸六至一呼一至一吸一至再呼一至再吸一至呼吸再至脉來如此何以別知其病也然脉來一呼再至一吸再至不大不小曰平一呼三至一吸三至為適得病後小即頭痛目眩前小後大即胃滿短氣

一呼四至一吸四至病通欲莊脈洪大者苦煩滿沈細者腹中痛滑者傷熱澁者中霧露一呼五至一吸五至其人當困沈細即夜加浮大即晝加不大小雖困可治其有大小者爲難治一呼六至一吸六至爲十死脈也沈細夜死浮大晝死一呼一至一吸一至名曰損人雖能行猶當<sub>獨一吸</sub>未<sub>未</sub>若<sub>若</sub>牀所以然者血氣皆不足故也再呼一至再吸一至名曰无鳧无鳧者當死也人雖能行名曰行尸

扁鵲曰脈一出入曰平再出一入少陰三出一入太陰四出一入厥陰再入一出少陽三入一出陽明四入一出太陽脈出者爲陽入者爲陰故人一呼而脈再動氣行三寸一吸而脈再動氣行三寸呼吸定息脈五動一呼一吸爲一息氣行六寸人十息脈五十動氣行六尺二十息脈百動爲一備之氣以應四

時天有三百六十五日人有三百六十五節晝夜漏下水百刻  
一備之氣脉行丈二尺一日一夜行於十二辰氣行尽則周遍  
於身與天道相合故曰平平者无病也一陰一陽是也脉再動  
爲一至再至而緊即奪氣一刻百三十五息十刻千三百五十  
息百刻萬三千五百息一刻爲一度一度氣行一周身晝夜五  
十度脉三至者離經一呼而脉三動氣行四寸半人一息脉七  
動氣行九寸十息脉七十動氣行九尺一備之氣脉百四十動  
氣行一丈八尺一周於身氣過百八十度故曰離經離經者病  
一陰一陽是也三至而緊則奪血脉四至則奪精一呼而脉四  
動氣行六寸人一息脉九動氣行尺二寸人十息脉九十動氣  
行一丈二尺一備之氣脉百八十動氣行二丈四尺一周於身  
氣過三百六十度再遍於身不及五節一時之氣而重至諸脉

浮瀋者五藏无精難治一陰二陽是也四至而緊則奪形脉五

至者死一呼而脉五動氣行六寸半當行七寸半人一息脉十一動

氣行尺三寸當行尺五寸人十息脉百一十動氣行丈三二尺當行丈五尺

一備之氣脉二百二十動氣行二丈六尺當行三丈一周於身三百

六十五節氣行過五百四十度再周於身過百七十度一節之

氣而至此氣浮瀋經行血氣竭尽不守於中五藏痿瘠精神散

亡脉五至而緊則死二陰一作三陰二陽是也雖五猶未如之何也

脉一損一乘者人一呼而脉一動人一息而脉再動氣行三寸

十息脉二十動氣行三尺一備之氣脉四十動氣行六尺不及

周身百八十節氣短不能周遍於身若少氣身軀懈墜矣脉再

損者人一息而脉一動氣行一寸五分人十息脉十動氣行丈

五寸一備之氣脉二十動氣行三尺不及周身一百節氣血

不足者人一息而脉一動氣行一寸五分人十息脉十動氣行丈



盡經中不能及故曰離經血去不在其處小大便皆血也脉三  
損者人一息復一呼而脉一動十息脉七動氣行尺五寸當行尺五  
分一備之氣脉十四動氣行三尺一寸當行尺一寸不及周身二百  
九十七節故曰爭氣行血流不能相與俱微氣閉實則膏滿藏  
枯而爭於中其氣不朝血凝於中死矣脉四損者再息而脉一  
動人十息脉五動氣行七寸半一備之氣脉十動氣行尺五寸  
不及周身三百一十五節故曰亡血亡血者忘失其度身羸疲  
皮裏骨故血氣俱盡五藏失神其死神矣脉五損者人再息復  
一呼而脉一動人十息脉四動氣行六寸一備之氣脉八動氣  
行尺二寸不及周身三百二十四節故曰絕絕者氣急不下牀  
口氣寒脉俱絕死矣歧伯曰脉失四時者爲至啓至啓者爲損  
至之脉也損之爲言少陰主骨爲重此志損也飲食衰減肌肉

滑者是意損也身安卧卧不便利耳目不明是魂損也呼吸不  
相通五色不華是魄損也四肢皆見脉爲亂是神損也大損三  
十歲中損二十歲下損十歲損各以春夏秋冬平人人長脉短  
若是大損二十歲人短脉長者是中損二十歲手足皆細是下  
損十歲失精氣者一歲而損男子左脉短右脉長是爲陽損半  
歲女子右脉短左脉長是爲陰損半歲春脉當得肝脉反得脾  
肺之脉損夏脉當得心脉反得腎肺之脉損秋脉當得肺脉反  
得肝心之脉損冬脉當得腎脉反得心脾之脉損當審切寸口  
之脉知絕不絕前後去爲絕掌上相擊堅如彈石爲上脉虛盡  
下脉尚有是爲有胃氣上脉盡下脉堅如彈石爲有胃氣上下  
脉皆盡者死不絕不消者皆生是損脉也至之爲言言諸音深  
遠視憤憤是志之至也身體粗大飲食暴多是意之至也語言

妄見手足相引是魂之至也龍蔥華色是魄之至也脉微小不  
相應呼吸自大是神之至也是至脉之法也死生相應病各得  
其氣者生十得其半也黃帝曰善

診脉動止投數踈數死期年月第六

脉一動一止二日死一經云二動一止三日死三動一止四日  
死或五日死四動一止六日死五動一止五日死或七日死六  
動一止八日死七動一止九日死八動一止十日死九動一止  
九日死又云十一日死一經云十一動一止立夏死一經云  
死十一動一止夏至死一經云十二動一止立秋  
死一經云十三動一止立冬死一經云十四動一止一歲  
死若立秋死二十一動一止一歲死二十五動一止立冬死  
或一歲死三十動一止二歲死三十五動一止三歲死

四十動一止四歲死五十動一止五歲死不滿五十動一止五歲死

脉來五十投而不止者五藏皆受氣即無病

千金方云五行氣畢陰陽數同

榮衛出入經脉如流晝夜百刻五德相生

脉來四十投而一止者一藏無氣却後四歲春草生而死

脉來三十投而一止者二藏無氣却後三歲麥熟而死

脉來二十投而一止者三藏無氣却後二歲桑椹赤而死

脉來十投而一止者四藏無氣歲中死得節不動出清明日

死遠不出穀雨死矣

脉來五動而一止者五藏無氣却後五日而死

脉一來而久住者宿病在心主中治

脉一來而久住者病在肝枝中治

脉三來而久住者病在脾下中治

脉四來而久住者病在腎間中治

脉五來而久住者病在肺枝中治

五脉病虛羸人得此者死所以然者藥不得而治針不得而及盛人可治氣全故也

### 診百病死生決第七

診傷寒熱盛脉浮大者生沈小者死

傷寒已得汗脉沈小者生浮大者死

溫病三四日以下不得汗脉大疾者生脉細小難得者死不治

溫病穰穰大熱其脉細小者死

千金穰穰作時行

溫病下利腹中痛甚者死不治

溫病汗不出出不至足者死厥逆汗出脉堅彊急者主虛緣

者死

溫病二三日身體熱腹滿頭痛食飲如故脉直而疾者八日死四五日頭痛腹痛而吐脉來細彊十二日死八九日頭不疼身不痛目不赤色不變而反利脉來牒牒按之不彈手時大心下堅十七日死

熱病七八日脉不軟喘一作不數一作數者當瘖瘖後三日溫汗不出者死

熱病七八日其脉微細小便不利加暴口燥脉代舌焦乾黑者死

熱病未得汗脉盛躁疾得汗者生不得汗者難差

熱病已得汗脉靜安者生脉躁者難治

熱病已得汗常大熱不去者亦死大專

熱病已得汗熱未去脉微躁者慎不得刺治

熱病發熱熱甚著其脉陰陽皆竭慎勿刺不汗出必下利

診人被風不仁痿痺其脉虛者生堅急疾者死

診癰病虛則可治實則死

癰疾脉實堅者生脉沈細小者死

癰疾脉搏大滑者久久自已其脉沈小急實不可治小堅急

亦不可療

診頭痛目痛久視無所見者死

久視一作久視

診人心腹積聚其脉堅彊急者生虛弱者死又實彊者生沈

者死其脉大腹大脹四肢逆冷其人脉形長者死腹脹滿便

血脉大時絕極下血脉小疾者死

心腹痛痛不得息脉細小遲者生堅大疾者死

腸澼便血身熱則死寒則生

腸澼下白沫脈沈則生浮則死

腸澼下膿血脈懸絕則死滑大則生

腸澼之傷身熱脈不懸絕滑大者生懸瀦者死以藏期之

腸澼下膿血脈沈小流連者生數疾且大有熱者死

腸澼筋攣其脈小細安靜者生浮大緊者死

洞洩食不化不得留下膿血脈微小連者生緊急者死

洩注脈緩時小結者生浮大數者死

蠶蝕陰疝其脈虛小者生緊急者死

欬嗽脈沈緊者死浮直者生浮軟者生小沈伏匿者死

欬嗽羸瘦脈形堅大者死

欬脫形發熱脈小堅急者死肌瘦下

一本脫形熱不去者死



歿而嘔腹脹且洩其脉弦急欲絕者死

吐血衄血脉滑小弱者生實大者死

汗出若衄其脉小滑者生大躁者死

唾血脉緊彊者死滑者生

吐血而欬上氣其脉數有熱不得卧者死

上氣脉數者死謂其形損故也

上氣喘息低昂其脉滑手足溫者生脉澀四肢寒者死

上氣面浮腫有息其脉大不可治加利必死一作又甚

上氣注液其脉虛寧伏匿者生堅彊者死

寒氣上攻脉實而順滑者生實而逆澀者死太素云寒氣暴上脉滿實何如

曰實而滑則生實而逆則死矣其脉滿何如曰率形盡滿者脉急大堅尺滿而不應如是者順則生逆則死何謂順則

生逆則死曰所謂順者手足溫也謂逆者手足寒也

瘡癰脈實大病人可治脈懸小堅急病久不可治

消渴脈數大者生細小浮短者死

消渴脈沈小者生實堅大者死

水病脈洪大者可治微細者不可治

水病脹閉其脈浮大軟者生沈細虛小者死

水病腹大如鼓脈實者生虛者死

卒中惡吐血數升脈沈數細者死浮大疾快者生

卒中惡腹大四肢滿脈大而緩者生緊大而浮者死緊細而

微者亦生

病瘡脈脊強急瘕瘕者皆不可治

寒熱瘕瘕其脈代絕者死

金瘡血出太多其脈虛細者生數實大者死

金瘡出血脉流小者生浮大者死

斫瘡出血一二石脉來大二十日死

斫刺俱有病多少血出不自止斷者其脉止脉來大者七日死滑細者生

從高傾仆内有血腹脹滿其脉堅彊者生小弱者死

人為百藥所中傷脉浮澀而疾者生微細者死洪大而遲者

二千金澤  
三作速

人病甚而脉不調者難差

人病甚而脉洪者易差

人内外俱虛身體冷而汗出微嘔而煩擾手足厥逆體不得安靜者死

脉實滿手足寒頭熱者秋生冬夏死

老人脉微陽羸陰彊者生脉大加息一作急者死陰弱陽彊  
脉至而代奇一作月而死

尺脉潛而堅爲血實氣虛也其發病腹痛逆滿氣上行此爲  
婦人胞中絕傷有惡血久成結瘕得病以冬時黍稷赤而死  
尺脉細而微者血氣俱不足細而來有力者是穀氣不充病  
得節輒動棄棄生而死此病秋時得之

左手寸口脉偏動乍大乍小不齊從寸口至關關至尺三部  
之位處動搖各異不同其人病仲夏得之此脉桃花落而  
死一作花一作果

右手寸口脉偏沈伏乍小乍太朝來浮太暮夜沈伏浮太即  
太過上出魚際沈伏即下不至關中往來無常時時復來者

右手尺部脉三十動一止有頃更還二十動一止乍動乍止  
連連相因不與息數相應其人雖食穀猶不愈繫草生而死  
左手尺部脉四十動而一止止而復來來逆如循直木如循  
張弓弦絀絀然如兩人共引一索至立冬死千金作至立春而死

診三部脉虛實決死生第八

三部脉調而和者生

三部脉廢者死

三部脉虛其人長病得之死虛而濇長病亦死虛而滑亦死  
虛而緩亦死虛而弦急癰病亦死

三部脉實而大長病得之死實而滑長病得之生卒病得之  
死實而緩亦生實而緊亦生實而緊急癰癰可治

三部脉彊非稱其人病便死

三部脉羸非其大脉一作脉得之死

三部脉飧長病得之死卒病得之生

三部脉細而軟長病得之生細而數亦生微而緊亦生

三部脉大而數長病得之生卒病得之死

三部脉微而伏長病得之死

三部脉軟濡一作濡長病得之不治自愈治之死卒病得之生

三部脉浮而結長病得之死浮而滑長病亦死浮而數長病

風得之生卒病得之死

三部脉芤長病得之生卒病得之死

三部脉弦而數長病得之生卒病得之死

三部脉耎長病得之死卒病得之生

三部脉盛而數如銀鈹股壅毒病必死數而軟壅毒病得之生

三部脉漈漈如羹上肥長病得之死卒病得之生

三部脉連連如蜘蛛絲長病得之死卒病得之生

三部脉如霹靂長病得之死二十日死

三部脉如弓弦長病得之死

三部脉累累如貫珠長病得之死

三部脉如水淹然流長病不治自愈治之反死

日死如水不流者  
長病不治自愈

三部脉如屋漏長病十日死

千金云十  
四日死

三部脉如雀啄長病七日死

三部脉如釜中湯沸朝得暮死夜半得日中死日中得夜半死

三部脉急切腹間病又婉轉腹痛針上下差

# 新刊王氏脉經卷第五

朝散大夫奉直大夫嘉祿閣直學士權知樞密院事護軍臣林億等類次

張仲景論脉第一

扁鵲陰陽脉法第二

扁鵲脉法第三

扁鵲華佗察聲色要訣第四

扁鵲診諸反逆死脉要訣第五

張仲景論脉第一

○脉有二部陰陽相乘榮衛氣血在人

脉行金作而呼吸出入上下於中因息遊布津液流通隨時動作

秋浮冬沉夏洪察色觀脉大小不同一時之間變無經常尺

寸參差或短或長上下乖錯或存或亡病輒改易進退低昂

寸參差或短或長上下乖錯或存或亡病輒改易進退低昂



心迷意惑動失紀綱願爲緩陳令得分明

師曰子之所問道之根源脉有三部尺寸及關榮衛流行不失衡銓腎沉心洪肺浮肝弦此自經常不失銖分出入升降漏刻周旋水下二刻臣億等詳水下二刻疑按清本如此脉一周身旋復寸口虛實見焉變化相乘陰陽相干風則浮虛寒則緊弦沈潛水瀉支飲急弦動弦爲痛數洪熱煩設有不應知變所緣三部不同病各異端太過可怪不及亦然邪不空見終必有奸密審表裏三焦別分知邪所舍消息診看料度腑藏獨見若神爲子條記傳與賢人

扁鵲陰陽脉法第二

○脉平旦曰太陽日中見陽明晡時曰少陽黃昏曰少陰夜半曰太陰雞鳴曰厥陰是三陰三陽時也

○少陽之脈小乍大乍長乍短動搖六分壬子十一月甲子夜半正月二月甲子壬

○太陽之脈洪大以長其來浮於筋上動搖九分三月四月甲子壬

○陽明之脈浮大以短動搖三分大前小後狀如科斗其至跳五月六月甲子壬

○少陰之脈緊細動搖六分壬五月甲子日中七月八月甲子壬

○太陰之脈索細以長兼於筋上動搖九分九月十月甲子壬

○厥陰之脈沈短以緊動搖三分十一月十二月甲子壬

○厥陰之脈急弦動搖至六分已上病遲脈寒少腰痛引腰形

喘者死脈緩者可治刺足厥陰入五分

○少陽之脈乍短乍長乍大乍小動搖至六分已上病頭痛脇

下滿嘔可治按即死

一作僵可治僵即死

刺兩季肋端足少陽也入七分

。陽明之脉洪大以浮其來滑而跳大前細后狀如科斗動搖至三分已上病眩頭痛腹滿痛嘔可治按即死刺臍上四寸臍下三寸各六分

。從二月至八月陽脉在表從八月至正月陽脉在裏附陽脉強附陰脉弱至即驚實則癰癰細而沈不癰癰即泄泄即煩煩即渴渴即腹滿滿即按按即腸辟辟即脉代乍至乍不至大而沈即欬欬即上氣上氣其則有息有息甚則口舌血出血出甚即鼻血出變出寸口陰陽表裏以互相乘如風有道陰脉乘陽也寸口中前後溢者行風寸口中外實因不滿者三風四溫寸口者勞風勞風者大病亦發駛行汗出亦發與風者上下微三扶骨是其診也表緩腹內急者與風也猥雷

實夾者飄風從陰趨陽者風邪一來調一來連鬼邪也陰緩  
陽急者表有風來入藏也陰急者風已抱陽入腹上急下  
宛宛不能至陽流飲也上下血微陰強者爲漏僻陽強者酒  
僻也偃偷不過微反陽澹漿也陰扶骨絕者從寸口前頓趣  
於陰汗水也來調四布者欲病水也陰脉不偷陽脉傷復少  
津寸口中後大前兌至陽而實者僻食小過陽一分者七日  
僻二分者十日僻三分者十五日僻四分者二十日僻四分  
中伏不過者半歲僻數數不至胃陰一分飲舖餌僻也外勾  
者久僻也內卷者十日以還外強內弱者裏大核也并浮而  
弦者汁核并浮緊而數如沈病暑食粥一作有內緊而伏麥  
餅若餅寸口脉倚陽緊細以微瓜菜皮也若倚如緊藏藏菜  
也隨隨無數生肉僻也附陽者灸肉僻也小荷生浮大如鼓

生麥豆也

扁鵲脈法第三

扁鵲曰人一息脈二至謂平脈體形無苦人一息脈三至謂  
病脈一息四至謂痺者脫脈氣其眼睛青者死人一息脈五  
至以上死不可治也都一作聲息病脈來動取極五至病有六  
七至也扁鵲曰平和之氣不緩不急不滑不澀不存不亡不  
短不長不悅不仰不從不橫此謂平脈腎一作緊參如此一作剛  
身無苦也扁鵲曰脈氣弦急病在肝少食多厭裏急多言頭  
眩目痛腹滿筋攣癰疾上氣少痰積堅時時唾血咽喉中乾  
相病之法視色聽聲觀病之所在候脈要訣豈不微乎脉浮  
如數無熱者風也若浮如數而有熱者氣也脉洪大者又兩  
乳旁動脉復數加有寒熱此傷寒病也若羸長病如脉浮澀

寸口復有微熱此瘧氣病也如脈大又多熱乍劇乍差難治也又瘵無劇者易差不欬者易治也

扁鵲華佗察聲色要訣第四

病人五藏已奪神明不守聲嘶者死

病人循衣縫謔言者不可治

病人陰陽俱絕掣衣撮空妄言者死

病人妄語錯亂及不能語者不治熱病者可治

病人陰陽俱絕失音不能言者三日半死

病人兩目皆有黃色起者其病方愈

病人面黃目青者不死青如草滋死

病人面黃目赤者不死赤如衄血死

病人面黃目白者不死白如枯骨死

病人面黃目黑者不死黑如赭死

病人面目俱等者不死

病人面黑目青者不死

病人面青目白者死

病人面黑目白者不死

病人面赤目青者六日死

病人面黃目青者九日必死是謂亂經飲酒當風邪入胃經  
膽氣妄泄目則爲青雖有天救不可復生

病人面赤目白者十日死憂恚思慮心氣內索面色反好急  
求棺槨

病人面白目黑者死此謂榮華已去血脈空索

病人面黑目白者八日死腎氣內傷病因留積

病人面青目黃者五日死病人著牀心痛短氣脾竭內傷百  
日健忘能起傍徨因坐於地其亡倚牀能治此者可謂神良  
病人面無精光若土色不受飲食者四日死

病人目無精光及牙齒黑色者不治

病人耳目鼻口有黑色起入于口者必死

病人耳目及顴頰赤者死在五日中午

病人黑色出於額上髮際下直鼻脊兩顴上者亦死在五日中午

病人黑氣出天中下至年上顴上者死

千金翼云天中當髮上至髮際年上在鼻上兩目間

病人及健人黑色若白色起入目及鼻口死在三日中午

病人及健人面忽如馬肝色望之如青近之如黑者死

病人面黑目直視惡風者死

病人面黑唇青者死



病人面青脣黑者死

病人面黑兩脇下滿不能自轉反者死

病人面回回直視有息者一日死

病人頭目久痛卒視無所見者死

病人陰結陽絕目精脫恍惚者死

病人陰陽絕竭目眦陷者死

病人眉系傾者七日死

病人口如魚口不能復閉而氣出多不反者死

病人口張者三日死

病人脣青人中反三日死

病人脣反人中反者死

病人脣口忽乾者不治

病人脣腫齒焦者死

病人陰陽俱竭其齒如熟小豆其脉駛者死

病人齒忽變黑者十三日死

病人舌卷外縮者必死

病人汗出不流舌卷黑者死

病人髮直者十五日死

病人髮如乾麻善怒者死

病人髮與眉衝起者死

病人爪甲青者死

病人爪甲白者不治

病人手足爪甲下肉黑者八日死

病人榮衛竭絕面浮腫者死

病人卒腫其面蒼黑者死

病人手掌腫無文者死

病人臍腫反出者死

病人陰囊空俱腫者死

病人脉絕口張足腫五日死

病人足趺上腫兩膝大如斗者十日死

病人目遺屎不覺者死

病人尸臭者不可治

肝病皮黑肺之日庚辛死

心病目黑腎之日壬癸死

脾病唇青肝之日甲乙死

肺病頰赤目腫心之日丙丁死

腎病面腫脅黃脾之日戊己死

青欲如蒼璧之澤不欲如藍

赤欲如帛裏朱不欲如赭

白欲如鵝羽不欲如鹽

黑欲重漆不欲如炭

黃欲如羅裹雄黃不欲如黃土

目色赤者病在心白在肺黑在腎黃在脾青在肝黃色不可  
名者病在中

診目病赤脉從上下者太陽病也從下上者陽明病也從外  
入內者少陽病也

診寒熱瘰癧目中有赤脉從上下至瞳子見二脉一歲死見  
一脉半一歲半死見二脉二歲死見二脉半二歲半死見三

脉三歲死

診齟齬痛按其陽明之脉來有過者獨熱在右右熱在左左熱在上上熱在下下熱

診血者脉多赤多熱多青多痛多黑爲久痺多赤多青皆見者寒熱身痛面色微黃齒垢黃爪甲上黃黃疸也安卧少黃赤脉小而濇者不嗜食

扁鵲診諸反逆死脉要訣第五

扁鵲曰夫相死脉之氣如群鳥之聚一馬之馭系水交馳之狀如懸石之落出筋之上藏筋之下堅關之裏不在榮衛伺候交射不可知也

脉病人不病脉來如屋漏雀啄者死屋漏者其來既絕而止也雀啄者脉來其數而疾絕止復續來也又經言得病七八日脉如屋漏雀啄者

死

肺彈人手如黍米也

脉來如彈石去如解索者死

彈石者辟辟急也解索者動數而隨散亂無復少絲也

脉困病人脉如蝦之游如魚之翔者死

蝦游者無所而起尋復退沒不知所往久

乃復起起無定而後去也魚翔者似與不行而但搖尾動頭身轉而久住者是也

脉如懸薄卷索者死

脉如轉豆者死脉如偃刀者死脉涌涌不去者死脉忽去忽

來暫止復來者死脉中侈者死脉分絕者死

上下分嚴也

脉有表無裏者死經名曰結去即死何謂結脉在指下如麻

子動搖屬腎名曰結去死近也脉五來一止不復增減者死

經名曰代何謂代脉五來一止也脉七來是人一息半時不

復增減亦名曰代正死不疑

經言病或有死或有不治自愈或有連年月而不已其死生

存亡可切脉而知之邪然可具知也設病者若閉目不欲見人者脉當得肝脉弦急而長反得肺脉浮短而濇者死也病若閉目而渴心下牢者脉當得緊實而數反得沈滑而微者死病者吐血復熱者脉當得沈細而反浮大牢者死病者證言妄語身當有熱脉當洪大而反手足四逆脉反沈細微者死病者大腹而洩脉當微細而澀反得緊大而滑者死此之謂也

經言形脉與病相反者死奈何然病若頭痛目痛脉反短濇者死之

病若腹痛脉反浮大而長者死

病若腹滿而喘脉反滑利而沈者死

病若四肢厥逆脉反浮大而短者死

病若耳聾脈反浮大而濇者死

千金翼云脈大者生沈遲細者難治

病若目眈眈脈反大而緩者死

左有病而右痛右有病而左痛下有病而上痛上有病而下痛此爲逆逆者死不可治脈來沈之絕濡浮之不止推手者半月死

一作半日脈來微細而絕者人病當死

人病脈不病者生脈病人不病者死

人病尸厥呼之不應脈絕者死脈當大反小者死

肥人脈細小如絲欲絕者死

羸人得躁脈者死

人身澀而脈來往滑者死

人身滑而脈來往澀者死

人身小而脈來往大者死



人身短而脉來往長者死

人身長而脉來往短者死

人身大而脉來往小者死

尺脉不應寸時如馳半日死

千金云尺脉上應寸口太遲者半日死

肝脾俱至則穀不化肝多即死

肺肝俱至則癰疽四服重肺多即死

心肺俱至則痺消渴懈怠心多即死

腎心俱至則難以言九竅不通四肢不舉腎多即死

脾腎俱至則五藏敗壞脾多即死

肝心俱至則熱甚癰癧汗不出妄見邪

肝腎俱至則疝瘕少腹痛婦人月使不來肝滿腎滿肺滿皆

實則爲腫肺之雍喘而兩胛滿肝雍兩脇滿脾則驚不得小

便腎雍脚下至小腹滿脛有大小髀脰大跛易偏枯心肺滿  
大癰痢筋攣肝脉小急癰痢筋攣肝脉驚暴有所驚駭脉不  
至若瘖不治自己腎脉小急肝脉小急心脉小急不鼓皆爲  
癰腎脉并沈爲石水并浮爲風水并虛爲死并小弦欲驚腎  
脉大急沈肝脉大急沈皆爲癰心脉搏滑急爲心癰肺脉沈  
搏爲肺癰脾脉外鼓沈爲腸澼久自己肝脉小緩爲腸澼易  
治腎脉小搏沈爲腸澼下血血溫身熱者死心肝澼亦下血  
二藏同病者可治其脉小沈滑者爲腸澼其身熱者死熱見  
七日死胃脉沈鼓滑胃外鼓大心脉小緊急皆膈脰枯男子  
發左女子發右不瘖舌轉可治二十日起其順者瘖三歲起  
年不滿二十者二歲死脉至而搏血衄身有熱者死脉來如  
懸鉤者爲熱脉至如喘者曰氣厥氣厥者不知與人言

作暴脉至如數使人暴驚二四日自亡脉至浮合浮合如數

一息十至十至以上是為經氣予不足也微見九十日死脉

至如火新然是心精之予奪也草乾而死脉至如散葉是肝

氣予虛也木葉落而死

木葉落作葉華

脉至如省客省客者脉塞而鼓是腎氣予不足也懸去囊華

而死脉至如泥丸是胃精予不足也榆莢落而死

素問莢作葉

脉至如橫格是膽氣予不足也未熟而死脉至如弦緩是胞

精予不足也病善言下霜而死不言可治脉至如交漆者左

右傍至也微見四日死

甲乙作交棘

脉至如涌泉浮鼓肌中是

太陽氣予不足也少氣味韭莢而死脉至委委土

素問作額土

之

狀按之不得是肌氣予不足也五色先見黑白壘

一作壘

發死

脉至如懸雍懸雍者浮揣切之益大是十二俞之予不足也

水凝而死脉至如偃刀偃刀者浮之小急也按之堅大急五  
藏死熱寒熱獨并於腎也如此其人不得坐立春而死脉至  
如丸滑不直手不直手者按之不可得也是大腸氣予不足  
也棗葉生而死脉至如蠶者令人善恐不欲坐卧行立常聽  
是小腸氣予不足也季秋而死

問曰嘗以春二月中脉一病人其脉反沈師記言到秋當死  
其病反愈到七月復病因往脉之其脉續沈復記言至冬死  
問曰二月中得沈脉何以故處之至秋死也師曰二月之時  
其脉自當濡弱而弦得沈脉到秋自沈脉見浮即死故知到  
秋當死也七月之時脉復得沈何以處之至冬當死師曰沈  
脉屬腎其藏脉也非時妄見

經言至相因死冬脉本主脉不再見故知至冬當死也然後

至冬復病正以冬至日死故知爲諦華佗倣此

新刊王氏脈經卷第五

# 新刊王氏脉經卷第六

朝散大夫守光祿卿直秘閣判登聞鼓院上護軍臣林億等類次

肝病證第一

膽病證第二

心病證第三

小腸病證第四

脾病證第五

胃病證第六

肺病證第七

大腸病證第八

腎病證第九

勝脫病證第十

三焦病證第十一

肝足厥陰經病證第一

肝氣虛則恐實則怒肝氣虛則夢見園苑死生章得其時則夢伏樹下不敢起肝氣盛則夢怒厥氣客於肝則夢山林樹木病在肝平旦慧下晡盛夜半靜

病先發於肝者頭目眩脇痛支滿一月之脾閉塞不通身痛體重二日之胃而腹脹三日之腎少腹腰脊痛脛痠十日不已死冬日入夏早食肝脉搏堅而長色不青當病墜墮若搏因血在脇下令人喘逆若爽而散其色澤者當病溢飲溢飲者濕暴多飲而溢一作易入肌皮腸胃之外也

肝脉沈之而急浮之亦然若脇下痛有氣支滿引少腹而痛

時小便難苦目眩頭痛腰背痛足爲逆寒時瘥女人月使不來時亡時有得之少時有所墜墮

○青脉之至也長而左右彈診曰有積氣在心下支胠名曰肝痺得之寒濕與疝同法腰痛足清頭痛

○肝中風者頭目暈脇痛行常偃令人嗜甘如阻歸狀

○肝中寒者其人洗洗惡寒翕翕發熱面翕然赤熱熱有汗脊中煩熱肝中寒者其人兩臂不舉舌本<sub>又作大</sub>燥善太息脊中

痛不得轉側時盜汗欬食已吐其汁肝主骨中喘怒罵其脉沈脊中义室欲令人推按之有熱鼻窒

○凡有所墜墮惡血留內若有所大怒氣上而不能下積於左脇下則傷肝肝傷者其人脫肉又臥口欲得張時時手足青目瞑腫人痛此爲肝藏傷所致也



○肝脹者脇下滿而痛引少腹

○肝水者其人腹大不能自轉側而脇下腹中痛時時津液微生小便續通

○肺乘肝即爲癰腫心乘肝必吐利

○肝著者其病人常欲蹈其胛上先未苦時但欲飲熱肝之積名曰肥氣在左脇下如覆杯有頭足如龜鼈狀久久不愈發欬逆痰瘧連歲月不已以季夏戊己日得之何也肺病傳肝肝當傳脾脾適以季夏王王者不受邪肝復欲還肺肺不肯受因留結爲積故知肥氣以季夏得之

○肝病其色青手足拘急脇下苦滿或時眩冒其脉弦長此爲可治宜服防風竹瀝湯秦艽散春當刺大敦夏刺行間冬刺曲泉皆補之季夏刺太衝秋刺中郄皆瀉之又當灸期門百

壯背第九椎五十壯

。肝病者必兩脇下痛引少腹令人善怒虛則目眈眈無所見耳無所聞善恐如人將捕之若欲治之當取其經

。足厥陰與少陽氣逆則頭目痛耳聾不聰頰腫取血者邪在肝則兩脇中痛寒中惡血在內肝善癭節時腫取之行間以引脇下補三里以溫胃中取血脈以散惡血取耳間青脈已去其瘰是厥陰之脉起於大指聚毛之際上循足趺上廉去內踝一寸上踝八寸交出太陰之後上膈內廉循股入陰毛中環陰器抵少腹俠胃鬲肝絡膈上貫膈布脇肋循喉嚨之後上入頰頰連目系上出額與督脉會於巔其支者從目系下頰裏環唇內其支者復從肝別貫膈上注肺中是動則脇腰痛不可以說仰丈夫頰赤婦人少腹腫甚則啞乾面塵脫

色是主肝所生病者。青滿嘔逆洞泄狐疝遺溺閉痿盛者則寸口大一倍於人迎虛者則寸口反小於人迎也。

。足厥陰之別名曰蠱溝去內踝上五寸別走少陰其別者循經上臑結於莖其病氣逆則臑腫卒疝實則挺長熱虛則暴癢取之所別肝病者。滿脇脹善恚怒叫呼身體有熱而復惡寒四肢不舉面目白身體滑其脈當弦長而急今反短濇其色當青而反白者此是金之刻木爲大逆十死不治。

膽足少陽經病證第二

。膽病者善太息口苦嘔宿汁心澹澹恐如人將捕之噎中介介然數唾候在足少陽之本末亦見其脈之陷下者灸之其寒熱刺陽陵泉善嘔有苦汁長太息心中澹澹善悲恐如人將捕之邪在膽逆在胃膽液則口苦胃氣逆則嘔苦汁故曰

嘔膽刺三里以下胃氣逆刺足少陽經絡以閉膽却調其虛實以去其邪也

膽脹者脇下痛脹口苦太息

厥氣客於膽則夢聞訟

足少陽之脉起於目兌眚上抵頭角下耳後循頸行

手少陽之脉前至肩上却交手少陽之後入缺盆其支者從

耳後入耳中出走耳前至兌眚後其支者別兌眚下大迎合

手少陽於頰一本云別兌眚上迎手少陽於顛下加頰車下頸合缺盆以下

脊中貫膈絡肝屬膽循脇裏出氣街達毛際橫入髀厭中其

直者從缺盆下腋循脊中過季脇下合髀厭中以下循髀陽

出膝外廉下外輔骨之前直下抵絕骨之端下出外踝之前

循足趺上出小指次指之端其支者趺上入大指之間循伏

指歧內出其端還貫入爪甲出三毛是動則病口苦善太息  
心脇痛不能反側甚則面微塵髀無膏澤足外反熱是爲陽  
厥是主骨所生病者頭痛角頷痛目兌皆痛缺盆中腫痛腋  
下腫馬刀挾癭汗出振寒瘡胷中脇肋髀膝外至脢絕骨外  
踝前及諸節皆痛小指次指不用盛者則人迎大一倍於寸  
口虛者則人迎反小於寸口也

心手少陰經病證第三

心氣虛則悲不已實則笑不休心氣虛則夢殺火陽物得其  
時則夢燔灼心氣盛則夢喜笑及恐懼壓氣客於心則夢立  
山煙火

病在心日中慧夜半其平三靜

病先發於心者心痛一日之肺喘欬二日之肝脇痛支滿五

目之脾閉塞不通身痛體重三日不已死冬夜半夏日中  
心脉搏堅而長當病舌卷不能言其要而散者當病消渴而已  
心脉沈之小而緊浮之不喘苦心下聚氣而痛食不下喜咽  
唾時手足熱煩滿時忘不樂喜太息得之憂思赤脉之至也  
喘而堅診曰有積氣在中時害於食名曰心痺得之外疾思  
慮而心虛故邪從之

心脉急名曰心疝少腹當有形其以心為牡藏小腸為之使  
故少腹當有形

邪哭使魂魄不安者血氣少也血氣少者屬於心心氣虛者

其人即畏衰一作合目欲眠夢遠行而精神離散魂魄妄行陰

氣衰者即為顛陽氣衰者即為狂五藏者魂魄之宅舍精神  
之所藏託也魂魄飛揚者其五藏空虛也即邪神居之伸

所使鬼而下之脉短而微其藏不足則魂魄不安魂屬於肝  
魄屬於肺肺主津液即為涕泣肺氣衰者即為泣出肝氣衰  
者魂則不安肝主善怒其聲呼

心中風者拿拿發熱不能起心中飢而欲食食則嘔

心中寒者其人病心如噉蒜狀劇者心痛徹背背痛徹心如  
蠱注其脉浮者自吐乃愈

愁憂思慮則傷心心傷則苦驚喜志善怒心傷者其人勞倦  
即頭面赤而下重心中痛徹背自發煩熱當臍挑手其脉弦  
此為心藏傷所致也

心脹者煩心短氣卧不安

心水者其人身體重腫一作而少氣不得卧煩而躁其陰大腫  
腎衆心必痿

真心痛手足清至節心痛其旦發夕死夕發旦死

心腹痛懷懷發作腫聚往來上下行痛有休作心腹中熱苦渴涎出者是蛇咬也以手聚而堅持之母令得移以大針刺之灸持之蟲不動乃出針腸中有蟲蛇咬皆不可取以小針心之積名曰伏梁起於臍上上至心大如臂久不愈病煩心二痛以秋庚辛日得之何也腎病傳心二當傳肺肺適以秋王王者不受邪心復欲還腎二不肯受因留結為積故知伏梁以秋得之

心病其色赤心痛氣短手掌煩熱或啼笑罵詈悲思愁慮面赤身熱其脉實大而數此為可治春當刺中衝夏刺勞宮季夏刺太陵皆補之秋刺間使冬刺曲澤皆瀉之此是手厥陰又當灸巨闕五十壯有第五椎百壯



心病者胃內痛脇支滿兩脇下痛膺背肩甲間痛兩臂內痛  
虛則脅腹大脇下與腰背相引而痛取其經手少陰太陽去  
下血者其變病刺郄中血者

邪在心則病心痛善悲時眩仆視有餘不足而謂之其輸

○黃帝曰手少陰之脈獨無輸何也歧伯曰少陰者心脈也心  
者五臟六腑之大主也心爲帝王精神之所舍其藏堅固邪  
不能客客之則傷心心傷則神去神去則身死矣故諸邪在  
於心者皆在心之包絡包絡者心主之脈也故少陰無輸焉  
少陰無輸心不病乎

對曰其外經肺病藏不病故獨取其經於掌后兌骨之端也  
○手心主之脈起於胸中出屬心包下膈歷絡三焦其支者  
循臂出脇下腋三寸上抵腋下循臑內行太陰少陰之間以

肘中下臂行兩筋之間入掌中循中指出其端其支者別掌中循小指次指出其端是動則病手心熱肘臂攣急腰腫甚則臂脇支痛心中澹太動面赤目黃善笑不休是主脉所生病者煩心二痛掌中熱甚者則寸口大一倍於人迎虛者則寸口反小於人迎也

○手心主之別名曰內關去腕二寸出於兩筋間循經以上繫於心包絡心氣實則心痛虛則為煩心取之兩筋間

○心病煩悶少氣大熱熱上壅心嘔吐欬逆狂語汗出如珠身休厥冷其脉當浮今反沈濡而滑其色當赤而反黑者此是水之刻火為大逆十死不治

#### 小腸手太陽經病證第四

○小腸病者少腹痛腰脊控攣而痛時寒之復耳前熱若寒甚

獨肩<sup>上</sup>熱及手小指次指之間熱若脉陷者此其候也

○少腹控臍引腰脊上衝心邪在小腸者連臍系屬於脊貫肝肺絡心系氣盛則厥逆上衝腸胃動肝肺散於育結於厭<sup>一作</sup>齊故取之育原以散之刺太陰以與之取厥陰以下之取巨虛下廉以去之按其所過之經以調之

○小腸有寒其人下重便膿血有熱必痔

○小腸有宿食常暮發熱明日復止

○小腸脹者少腹臍脹引腹而痛

○厥氣客於小腸則夢聚邑街衢

○手太陽之脉起之於小指之端循手外側上腕出踝中直上循臂骨下廉出肘內側兩骨之間上循臑外後廉出有鮮結肩甲交肩<sup>上</sup>入缺盆向腋絡心循咽下膈抵胃屬小腸其支

者從缺盆循頰上頰至目兌背却入耳中其支者別頰上頰抵鼻至目內眥斜絡於顴是動則病噤痛頰腫不可以顧有似拔顴似折是主液所生病者耳聾目黃頰頰腫頸有腫肘臂外後廉痛盛者則人迎大再倍於寸口虛者則人迎反小於寸口也

### 脾足太陰經病證第五

○脾氣虛則四肢不用五藏不安實則腹脹溼漉不利

○脾氣虛則夢飲食不足得其時則夢築垣蓋屋脾氣盛則夢歌樂體重手足不辛厥氣客於脾則夢丘陵大澤壞空風雨

○病在脾日昃慧平旦甚日中持下晡靜

○病先發於脾閉塞不通身痛體重一日之胃而腹脹二日之

腎少腹腰脊痛脛痠三日之膀胱背脇筋痛小便閉十日不

已死冬人定夏晝食

○脾脉搏堅而長其色黃當病少氣其哭而散色不澤者當病足胛腫若水狀

○脾脉沈之而濡浮之而虛苦腹脹煩滿胃中有熱不嗜食食而不化大便難四肢苦痺時不仁得之房內月使不來來而頻併

○黃脉之至也大而虛有積氣在腹中有厥氣名曰厥疝女子同法得之疾使四肢汗出當風

○寸口脉弦而滑弦則爲痛滑則爲食痛即爲急食即爲踊痛踊相搏即腎脇搶急

○跌陽脉浮而漣浮即胃氣微漣即脾氣衰微我相搏即呼吸不得此爲脾家失度

○寸口脉雙緊即爲入其氣不出無表有裏心下痞堅

○跌陽脉微而澁微即無胃氣澁即傷脾寒在於膈而及下之寒積不消胃微脾傷穀氣不行食已自噫寒在胃膈上虛下實穀氣不通爲閉塞之病

○寸口脉緩而遲緩則爲陽其氣長遲則爲陰榮氣促榮衛俱和剛柔相得三焦相承其氣必強

○跌陽脉滑而緊滑則胃氣實緊則脾氣傷得食而不消者此脾不治也能食而腹不滿此爲胃氣有餘腹滿而不能食心下如飢此爲胃氣不行心氣虛也得食而滿者此爲脾家不治

○脾中風者翕々發熱形如醉人腹中煩重皮肉瞢瞢而短氣也

○凡有所擊仆若醉飽入房汗出當風則傷脾脾傷則中氣傷陽離別陽不從陰故以三分候死生

○脾氣弱病利下白腸垢大便堅不能更衣汗出不止名曰脾氣弱或五液注下青黃赤白黑病人鼻下平者胃病也微赤者病發癰微黑者有熱青者有寒白者不治唇黑者胃先病微燥而渴者可治不渴者不可治臍反出者此爲脾先落云

先終

○脾脹者善噦四肢急體重不能衣

一作技

○脾水者其人腹大四肢苦重津液不生但苦少氣小便難  
○跌陽脉浮而澁浮則胃氣強澁則小便數浮澁相搏大便則堅其脾爲約脾約者其人大便堅小便利而反不渴  
○凡人病脉以解而反暮微煩者人見病者差安而強與穀脾胃氣尚弱不能消穀故令微煩損穀則愈

○脾之積名曰痞氣在胃管覆大如盤久不愈病四肢不收黃瘠食飲不爲肌膚以冬壬癸日得之何也肝病傳脾脾當傳腎腎適以冬王王者不受邪脾復欲還肝肝不肯受因留結爲積故知痞氣以冬得之

○脾病其色黃飲食不消腹苦脹滿體重節痛大便不利其脉微緩而長此爲可治宜服平胃圓瀉脾圓葉黃圓附子湯春當刺隱白冬刺陰陵泉皆瀉之夏刺大都季夏刺公孫秋刺商丘皆補之又當灸章門五十壯背第十一椎百壯

○脾病者必身重苦飢足痿不收

素問作善肌肉痿足不收行薑燐脚下

虛則腹脹腸鳴澹泄食不化取其經足太陰陽明少陰血者

○邪在脾胃肌肉痛陽氣有餘陰氣不足則熱中善飢陽氣不足陰氣有餘則寒中腸鳴腹痛陰陽俱有餘若俱不足則有



寒有熱皆調其三里

○足太陰之脉起於大指之端循指內側白肉際過核骨後上內踝前廉上膕內循胫骨後交出厥陰之前上循膝股內前廉入腹屬脾絡胃上膈俠咽連舌本散舌下其支者復從胃別上膈注心中是動則病舌本強食則嘔一作吐胃管痛腹脹善噫得後與氣則快然而衰身體皆重是主脾所生病者舌本痛體不能動搖食不下煩心心下急痛寒瘧瘡癰泔水閉黃疸好卧不能食肉腎青強立股膝內痛厥足大指不用盛者則寸口大三倍於人迎虛者則寸口反小於人迎是大陰之別名曰公孫去本節後一寸別走陽明其別者入絡腸胃厥氣上逆則霍亂實則腹中切痛虛則鼓脹取之所別

○脾病其色黃體青失潔直視脅反張爪甲青飲食吐逆體重

節痛四肢不舉其脉當浮大而緩今反弦急其色當黃今反青此是木之克土爲大逆十死不治

胃足陽明經病證第六

○胃病者腹脹胃管當心而痛上支兩脇膈咽不通飲食不下取三里

○飲食不下隔塞不通邪在胃管在上管則抑而刺之在下管則散而去之

○胃脉搏堅而長其色赤當病折髀其栗而散者當病食痺髀痛

○胃中有癖食冷物者痛不能食食熱即能

○胃脹者腹滿胃管痛鼻聞焦臭妨於食大便難

○診得胃脉病形何如曰胃實則脹虛則洩

○病先發於胃脹滿五日之腎少腹腰脊痛脛痠三日之膀胱  
背脇筋痛小便閉五日上之脾閉塞不通身痛體重上之  
六日不已死冬夜半後夏日晡六日脉浮而乳浮則爲陽  
乳則爲陰浮乳相搏胃氣生熱其陽則絕

○趺陽脉浮者胃氣虛也趺陽脉浮大者此胃家微虛煩園必  
日再行乳而有胃氣者脉浮之大而更微按之乳故知乳而  
有胃氣也

○趺陽脉數者胃中有熱即消穀引食趺陽脉濇者胃中有寒  
水穀不化趺陽脉蘢蘢而浮者其病難治趺陽脉浮遲者故  
久病趺陽脉虛則遺溺實則失氣

○動作頭痛重熱氣朝者屬胃

○厥氣客於胃則夢飲食

○足陽明之脉起於鼻交頰中旁約太陽之脉下循鼻外入上齒中還出俠口環脣下交承漿却循頰後下廉出大迎循頰車上耳前過客主人循髮際至額顙其支者從大迎前下入迎循喉嚨入缺盆下膈屬胃絡脾其直者從缺盆下乳內廉下俠臍入氣街中其支者起臍下口循腹裏下至氣街中而合以下髀關抵伏兔下入膝膕中下循脰外廉下足跗入中指內間其支者下膝三寸而別以下入中指外間其支者別跗上入大指間出其端是動則病悽然振寒善伸數欠頰黑病至証人與火聞木音則惕然而驚心動欲獨閉戶牖而處其則欲上高而歌棄衣而走責響腹脹是為髀厥是主血作胃所生病者狂瘡一作瘡溫淫汗出欬衄口喝脣緊頸腫疾痺大腹水腫膝膕痛循膕至街股伏兔髀外廉足跗上皆痛

中指不用氣盛則身以前皆熱其有餘於胃則消穀善飢溺  
色黃氣不足則身以前皆寒慄胃中寒則脹滿盛者則人迎  
大三倍於寸口虛者則人迎反小於寸口也

肺手太陰經病證第七

○肺氣虛則鼻息利少氣實則喘喝背慄仰息肺氣虛則夢見  
白物見人斬血藉二得其時則夢見兵戰肺氣盛則夢恐懼  
哭泣厥氣客于肺則夢飛揚見金鐵之器奇物

○病在肺下晡慧日中甚夜半靜

○病先發於肺喘欬三日之肝脇痛支滿一日之脾閉塞不通  
身痛體重五日之胃腹脹十日不已死冬日入夏日出

○肺脉搏堅而長當病唾血其濡而散者當病漏汗漏一作漉至今  
不復散發

○肺脉沈之而數浮之而喘者洗二寒熱腹滿腸中熱小便赤  
有背痛從腰已上汗出得之房內汗出當風自脉之至也喘  
而浮大上虛下實驚有積氣在膏中喘而虛名曰肺痺寒熱  
得之因醉而使內也

○肺中風者口燥而喘身運而重冒而腫脹

○肺中寒者其人吐濁涕

○形寒飲則傷肺以其兩寒相感中外皆傷故氣逆而上行  
肺傷者其人勞倦則欬唾血其脉細緊浮數皆吐血此爲躁  
擾噴怒得之肺傷氣擁所致

○肺脹者虛而滿喘欬逆倚息目如脫狀其脉浮

○肺水者其人身體重而小便難時二大便鴨溲肝乘肺必作  
虛

○脉要而弱弱反在關要反在顛浮反在上弱反在下浮則爲陽弱則血不足必弱爲虛浮弱自別浮則自出弱則爲入浮則爲出不入此爲有表無裏弱則爲入不出此爲無表有裏陽出極汗齊腰而還此爲無表有裏故名曰厥陽在當汗出不汗出

○跌陽脉浮緩少陽微緊微爲血虛緊爲微寒此爲鼠乳其病厲肺

○肺之積名曰息賁在右脇下積大如杯久不愈病洒淅寒熱氣逆喘欬發肺癰以春甲乙日得之何也心病傳肺肺當傳肝肝適以春王王者不受邪肺復欲還心心不肯受因留結爲積故知息賁以春得之肺病其色白身軀微寒无熱時時欬其脉微遲爲可治宜服五味子大補肺湯瀉肺散春當

刺少商夏刺魚際背瀉之季夏刺太淵秋刺經渠冬刺尺澤  
皆補之又當灸臑中百壯背第三椎二十五壯

○肺病者必喘欬逆氣肩息背痛汗出尻陰股膝牽髀腠脰足  
皆痛虛則少氣不能報息耳聾啞乾取其經手太陰足太陽  
之外厥陰內少陰血者

○邪在肺則皮膚痛發寒熱上氣喘汗出欬動肩背取之膺  
中外輸臂第三椎之傍以手痛按之快然乃刺之取之缺盆  
中以越之

○手太陰之脉起於中膺下絡大腸還循胃口上膈屬肺從肺  
系橫出腋下下循臑內行少陰心主之前下肘中後循臂內  
上骨下廉入寸口上魚循魚際出大指之端其支者從腕後  
直次指內廉出其端是動則病肺脹滿膨而喘欬缺盆中



痛甚則交兩手而脅是爲臂厥是主肺所生病者欬上氣喘  
喝煩心胃滿臍臂內前廉痛掌中熱氣盛有餘則有背痛風  
汗出小便數而欠氣虛則有背痛寒少氣不足以息溺色變  
卒遺失無度盛者則寸口大三倍於人迎虛者則寸口反小  
於人迎也

○手太陰之別名曰列缺起於腋下腕上一寸六分間別走陽明其別  
者並太陰之經直入掌中散入於魚際其實則手兌掌起虛  
則欠欬小便遺數取之去腕一寸半肺病身當有熱欬嗽短  
氣唾出膿血其脉當短澀今反浮大其色當白而反赤者此  
是火之刻金爲大逆十死不治

### 大腸手陽明經病證第八

○大腸病者腸中切痛而鳴濯二冬日重感于寒則泄當臍而

痛不能久立與胃同候取巨虛上廉腸中雷鳴氣上衝胃喘不能久立邪在大腸刺盲之原巨虛上廉三里

○大腸有寒驚澹有熱便腸垢

○大腸有宿食寒慄發熱有時如瘡狀

○大腸脹者腸鳴而痛寒則泄食不化

○厥氣客於大腸則夢田野

○手陽明之脈起於大指次拍之端外側循指上廉出合谷兩骨之間上入兩筋之中循臂上廉上入肘後循循臑外前廉上肩出髃骨之前廉上出柱骨之會上下入缺盆絡肺下膈屬大腸其支者從缺盆直入上頸貫頰入下齒縫中還出俠口交人中左之右右之左上俠臍孔是動則疝齒痛頰腫是主津所生病者目黃口乾乾衄喉痺肩前臑痛大指次拍痛

不用氣盛有餘則當脉所過者熱腫虛則寒慄不復成者則人迎大三倍於寸口虛者則人迎反小於寸口也

腎足少陰經病證第九

○腎氣虛則厥逆實則脹滿四肢正黑腎氣虛則夢見舟船溺人得其夢伏水中若有畏怖腎氣盛則夢腰脊兩解不相屬厥氣客於腎則夢臨淵沒居水中

○病在腎夜半慧日乘四季甚下晡靜

○病先發於腎少腹腰脊痛脛痠三日之膀胱背脇筋痛小便閉二日上之心心痛三日之小腸脹四日不已死冬大食夏晏晡

○腎脉搏堅而長其色黃而赤當病折腰其栗而散者當病少血

○腎脉沈之大而堅浮之大而緊者手足骨腫厥而陰不與腰脊痛少腹腫心下有水氣時脹閉時泄得之浴水中身未乾而合房內及勞倦發之

○黑脉之至也上堅而大有積氣在少腹與陰名曰腎痺得之沐浴清水而卧

○凡有所用力卒重若入房過度汗出如浴水則傷腎腎脹者腹滿引背央然腰髀痛

○腎水者其人腹大臍腫腰重痛不得溺陰下濕如牛鼻頭汗其足逆寒大便反堅

○腎著之爲病從腰以下冷腰重如帶五千錢

○腎著之病其人身體重腰中冷如水狀

一作如水洗狀一作如坐水中形如水狀

反不渴小便自利食飲如故是其證也病屬下焦從身勞汗

出衣裏冷濕故久得之

○腎之積名曰奔豚發於少腹上至心下如豚奔走之狀上下無時久不愈病喘逆骨痿少氣以夏丙丁日得之何也脾病傳腎腎當傳心心適以夏王王者不受邪腎復欲還脾脾不肯受因留結為積故知奔豚以夏得之水流夜疾何以故師曰土休故流疾而有聲人亦應之人夜卧則脾不動搖脉為之數疾也

○腎病其色黑其氣虛弱吸二少氣兩耳苦聾腰痛時二失精飲食減少膝以下清其脉沈滑而遲此為可治宜服內補散建中湯腎氣圓地黃煎春當刺涌泉秋刺伏留冬刺陰谷皆補之夏補之夏刺然谷季夏刺大溪皆瀉之又當灸京門五十壯背第十四椎百壯

○腎病者必腹大胫腫痛喘欬身重寢汗出憎風虛即腎中痛  
大腹小腹痛清厥意不樂取其經足少陰太陽血者

○邪在腎則骨痛陰痺陰痺者按之而不得腹脹腰痛大便難  
有背頸項強痛時眩取之涌泉崑崙視有血者各取之

○足少陰之脉起於小指之下斜趨足心出然骨之下循內踝  
之後別入跟中以上腨內出膕中內廉上股內後廉貫脊屬

腎絡膀胱其直者從腎上貫肝膈入肺中循喉嚨俠舌本其  
支者從肺出絡心注腎中是動則病飢而不欲食面黑如炭

色一作地色欬唾則有血喉鳴而喘坐而欲起目眈眈無所見心  
懸若飢狀氣不足則善恐心惕若人將捕之是爲骨厥

○痠是主腎所生病者口熱舌乾咽腫上氣嗌乾及痛煩心心  
痛黃疸腸澼脊股內後廉痛痿厥嗜臥足下熱而痛者則強

食而生害一作緩帶被髮大杖重覆而步盛者則寸口大無  
倍於人迎虛者則寸口反小於人迎也

○足少陰之別名曰大鍾當踝後繞跟別走太陽其別者並經  
上走於心包下貫腰脊其病氣逆則煩悶實則閉癰虛則腰  
痛取之所別腎病手足逆冷面赤目黃小便不禁骨節煩疼  
少腹結痛氣衝於心其脈當沈細而滑今反浮大其色當黑  
而反黃此是土之刻水爲大逆十死不治

膀胱足太陽經病證第十

○膀胱病者少腹偏腫而痛以手按之則欲小便而不得有上  
熱若脈陷足小指外側反脛腫後皆熱若脈陷者取委中  
○膀胱脹者少腹滿而氣癢

○病先發於膀胱者背腰筋痛小便閉五日之腎少腹腰脊痛

脛痠一日之小腸脹

日之脾閉塞不通身痛體重三日不

已死冬雞鳴夏下晡日云

○厥氣客於膀胱則夢遊行

○足太陽之脉起於目內眥上額交顛上其支者從顛至耳上

角其直者從顛入絡腦還出別下項循肩膊內俠脊抵腰中

入循脊終腎屬膀胱其支者從腰中下會於後陰下貫腎入

膕中其支者從膕內左右別下貫髓一作肺過髀樞循髀外後

廉過一本膕中以下貫膕內出外踝之後循京骨至小指外

側是動則病衝頭痛目似脫項似拔脊痛腰似折髀不可以

曲膕如結膕如列是為蹠厥是主筋所生病者痔瘡狂顛疾

頭腦頂痛目黃淚出衄血項背腰尻膕膕脚管痛小指不用

盛者則人迎大再倍於寸口虛者則人迎反小於寸口也



三 臍手少陽經病證第十一

○三臍病者腹脹氣滿小腹尤堅不得小便窘急溢則爲水留則爲脹候在足太陽之外大絡在太陽少陽之間赤見於脉取委陽

○少腹病腫不得小便邪在三臍約取太陽大絡視其結脉與厥陰小絡結而血者腫上及胃管取三里

○三臍脹者氣滿於皮膚殼三然而堅不疼熱在上臍因灸爲肺痿熱在中臍因堅熱在下臍因溺血

○手少陽之脉起於小指次指之端上出兩指之間循手表腕出臂外兩骨之間上貫肘循臍外上肩而交出足少陽之後入缺盆交臍中散絡心包下膈循胃三臍其支者從臍中上出缺盆上項俠耳後直上出耳上角以蚤下額至頤其支者

從耳後入耳中出走耳前過客主人前交頰至目兌皆是  
則兩耳聾燁二燁二噤腫喉痺是上氣所生病者汗出目兌  
皆痛頰腫耳後肩臑肘臂外皆痛小指次指不用盛者則人  
迎大一倍於寸口虛者則人迎反小於寸口也

新刊王氏脉經卷第六